



## ***Kattusseqatigiit Partiiat***

Tlf. 299 34 61 11 / 34 62 52 - fax 299 32 62 35  
Postboks 74, 3952 Ilulissat - tlf./ fax 299 94 47 53

**Anthon Frederiksen**

**Ulloq 18. december 2007**

Inatsisartut suleriaasianni § 36 imm. 1 naapertorlugu apeqquteqaat imaattoq Naalakkersuisunut ingerlateqqippara:

(Inatsisartunut ilaasortaq Anthon Frederiksen, Kattusseqatigiit partiiat)

### **Naalakkersuisunut apeqqut:**

- Nunatta pissuussutai uummaatsut nunanut allanut tunniussuuterasaanginnarneqassappaat ?
- Qaqugu Nunatta pisuussutai umaatsut nunatsinnut iluaqutaanerusumik aningaasatigut pissarsissutaalernissaat naatsorsuutigineqarpa ?
- Nunatta pissuussutai uummaatsut, avataaneersunut soqutiginnittunut akisunermik neqerooruteqarsinnaasunut suliarinnittussarsiuunneqarsinnaanngillaat ?
- Rubon-it nunatsinneersut nunatta avataani qanoq annertutigisumik allamikunit (Canada-minik) tunisassiarineqarpat ?
- Qanorlu Rubin-it nunani allamiunit iluanaarutigineqarpat ?
- Ilumut Rubin-i nunatsinneersoq, nunani allamiunit tunisassiarineqannginnersoq, imaluunniit tunisassiarineqarnersoq qanoq ililluni nunatsinniit nakkutigineqarpa ?
- Ilumut Rubin-i nunatsinneersoq taamaallaat 600 kg - Canada-miunit misissungassatut nunatsinniit anninneqarsimavaa ?
- Tamanna qanoq ilillugu uppersarsarneqarpa ?
- Piffiassanngunnginnerluni avataaniit aatsitassarsiorniartunut akitsuut qaffassallungu ?

### **Tunngavilersuut:**

Tunngavilersuut:

ullup qeqqanut radio-avis-ikkut nalunaarutigineqarpoq: " **Qaarusunni annerpaanngorsinnaavoq**

**Canadamiut aatsitassaleriffiutaat Quadra Mining molybdænimik qalluillutik qaarusuliassaat Illoqqortoormiut avannaaniitussa q Kalaallit Nunaanni qaarusuit annersarileriaannaavaat.**

Qaarusuliornissap aallartisarnerani aqquinnortussat inuit 600-t pisariaqartinneqarput kingusinnerusukkullu inuit 300-t suliffeqarsinnaassallutik.

Aatsitassaleriffiup aatsitassaq molybdæn, saviminiliornermi atorineqartartoq qallorniarpa.

Tunami molybdæneqarfik nunarsuatsinni annersat ilagaat, aatsitassaq 200 millioni tonsit sinnerlugit oqimaassusilik piiarneqarsinnaammat qaarusuk aallartippat ukiorpassuarni suliffiusinnaassaaq. Qaarusuliassami suliffissat amerlassusaat eqqarsaatigalugu qaarusuk angisoorujussuussaaq, tassa kuultisiorfimmiit, olivinisorfimmiit, aqerlusiorfiutigaluni zinkisiorfimmiit, eudialytisiorfimiillu sulisoqarnerussalluni, Aatsitassat pillugit qullersaqarfimmi pisortaq, Jørn Skov Nielsen oqarpoq.

Qaarusuk tunumi nunap eqqissisimatitap kujasinnerusortaaniissaaq.

- Nunami eqqissisimatitami avatangiisit mingutsinneqannginnissat nakkutigeqqissaarlugu qaarusuliortoqarsinnaavoq, soorlu Kalaallit Nunaanni sumiluunniit qaarusuliortoqassatillugu nakkutigeqqissaarneqartuaannartut, Jørn Skov Nielsen oqarpoq.

Qaarusummi kalaallit sulisussat pisariaqartinneqassammata Namminersornerullutik Oqartussat qaarusummi sulisussatut ilinniartissamat, Sisimiuniittussamat 50 millioni koruuninik illuartitsippat."

Aamma siusinnerusukkut apeqquteqaatitta inatsisartunullu ilaasortat ilaannit rubin-i pillugu apeqqutigineqartut akissutaat - Kattusseqatigiit Partiiianiit naammaginnartinningsigut apeqqutit qulaani taaneqartut akineqarnissaat piunasaqaatingaangut.